

23. oktober 2025

UKA2025/21

MitID aamma NemLog-in pillugu inatsisip allanngortinneqarnera (Suliffiup iluani it-systeminik atuisup aalajangersimasup taamaammallu qarasaasiat systemiinik atuisinnaasup kinaassusaata nakkutigineqarnerani uppersarneqarneranilu MitID-imik aamma NemLog-in-imik aaqqiinermik atuisinnaatitaaneq aamma immikkoortorta qarfiit inatsisitigut akisussaaffigisat, EU-mi/ EØS-imi nunami allami nalunaarsorneqarsimasut MitID-mik aaqqiinermik atalersinnaanerannut periarfissaq) pillugu inatsisip Kalaallit Nunaannut atortuulersinneqarnera pillugu peqqussut.

(Naalakkersuisut Siulittaasuut)

MitID-mut aamma NemLog-inimut tunngatillugu inatsimmik allannguisimanerup kingunerisaanik Namminersorlutik Oqartussat peqataanissaat Siumup tapersersorpaa. Siumut naliliivoq, allannguutit teknikimut tunngassuteqartut, aamma paasissutissanik isumannaatsumik ingerlatsinissamut siunnersuut nukittorsaassasoq, aamma EU-mut assigisaanullu MitID aamma NemLog-in atorineqarsinnaanerak qulakkeerneqassaaq.

Siumup pingaartippaa Nunarput teknikikkut ineriartornermut malinnaassasoq, aamma tamakkununga atatillugu isumannaatsuunissamut. Innuttaasut pillugit paasissutissat pitsaanerujartortumik illersorneqarnissaat qulakkiissallugu pingaarpoq. Siunnersuut innuttaasunut suliffeqarfinnulluunniit akisunerulersitsissanngilaq, taamaattoq assigiinnerusumik isumannaannerusumillu systeminut isersinnaaneq aqutissiuunneqassaaq.

Siumup tikkuarusuppaa, teknikikkut ineriartorneq sukkasuumik ingerlasoq - ilutigisaanillu innuttaasut akornanni ikinngitsut katataasimasutut misigisimasut. Ilaat digitalimik periarfissiissutinut atuinngillat periarfissaqarpiaratilluunniit. Taamaammat Siumup Naalakkersuisut kajumissaarumavaat, amerlanerpaat digitalikkut sullissinermut peqataalernissaat sulissutigeqqullugu. Pineqartut tikillugit toqqissisimanertumik ikiorneqarnissaat annertusarneqartariaqartoq Siumut isumaqarpoq, taamaalilluta naligiinnerusumik toqqissisimanartumillu pisinnaasut amerlanerpaat peqataalersinniassagatsigit.

Taamak oqaaseqarluta siunnersuut Siumup taperserpaa, aamma digitalikkut sullinneqarnermi isumannaallisaanerup annertusinissaa taperserlugu. Taamaaliorutta atornerluisut



paasissutissanillu inunnut tunngassuteqartunik susassaqaratik appakaaniartartut
ingalasimaneqarnerussapput.

Lars Poulsen
Siumut